

OHR i EUSR pozdravljaju imenovanje ombudsmena BiH



Ured visokog predstavnika i Ured specijalnog predstavnika Evropske unije pozdravljaju jučerašnje imenovanje ombudsmena u Instituciju ombudsmena za ljudska prava BiH.

Postupak imenovanja je sada, sa velikim kašnjenjem, završen glasanjem u Domu naroda PSBiH.

Imenovanje Jasminke Džumhur, Ive Bradvice i Ljubomira Sandića predstavlja prvi korak ka punoj provedbi Zakona o ombudsmenu za ljudska prava BiH, koji je postpristupni zahtjev Vijeća Evrope za Bosnu i Hercegovinu i kao kratkoročni prioritet uključen u dokument o Evropskom partnerstvu sa BiH.

OHR i EUSR sada očekuju od nadležnih institucija da nastave sa procesom spajanja entitetskih i državne institucije ombudsmena te prenosom njihovih nadležnosti na ured državnog ombudsmena kako to zahtijeva Zakon BiH.